

ՀԱՇՎԵՏՎՈՒԹՅՈՒՆ

1. ԳՈՐԾՈՒՂՎԱԾ ԱՆՁ

Մակիչ Հովհաննիսյան

2. ԶԲԱՂԵՑՐԱԾ ՊԱՇՏՈՆԸ

ՀՀ էներգետիկ ենթակառուցվածքների և բնական պաշարների նախարարարության արտաքին կապերի վարչության Եվրասիական տնտեսական միության բաժնի պետ

3. ԳՈՐԾՈՒՂՄԱՆ ՎԱՅՐԸ/ԺԱՄԿԵՏԸ

Ռուսաստանի Դաշնություն (Սանկտ-Պետերբուրգ)/ 2018թ. օգոստոսի 15-17-ը

4. ՀՐԱՎԻՐՈՂ ԿՈՂՄԸ

Եվրասիական տնտեսական հանձնաժողով

5. ԳՈՐԾՈՒՂՄԱՆ ՆՊԱՏԱԿԸ

Մասնակցել Եվրասիական տնտեսական միության ընդհանուր էլեկտրաէներգետիկական շուկայի ձևավորման ենթակոմիտեի նիստին

6. ՔՆՆԱՐԿՎԱԾ ԹԵՄԱՆԵՐԸ

Քննարկվեցին՝

ԵԱՏՄ ընդհանուր էլեկտրաէներգետիկական շուկայում /այսուհետ շուկա/ միջպետական հատույթներում էլեկտրաէներգիայի առևտրի իրականացմանն առնչվող հարցեր, շուկայում էլեկտրաէներգիայի կենտրոնացված և օր առաջ առևտրի իրականացման ժամային գոտիներին վերաբերող հարցեր, շուկայում առևտրին մասնակցության գործարքների իրականացման և գների ձևավորման հարցեր, էլեկտրաէներգիայի փոխանցումների շեղումների և դրանց վերահսկմանը վերաբերող հարցեր, էներգոհամակարգերի զուգագեռ աշխատանքների շրջանակներում տեխնիկական հնարավորությունների և թույլատրելի շեղումների խնդիրները, էլեկտրոնային հարթակում ազատ երկկողմ, օր առաջ և երկարաժամկետ պայմանագրերի միջոցով ներկայացվող հայտերի հերթականությանը և էլեկտրոնային հարթակում դրանց գրանցման հերթականությանը վերաբերող հարցեր:

7. ՀԱՆԴԻՊՈՒՄՆԵՐԸ, ԵԼՈՒՅԹՆԵՐԸ, ԲԱՐՁՐԱՑՎԱԾ ԿԱՄ ՔՆՆԱՐԿՎԱԾ ՀԱՐՑԵՐԸ

Հանդիպում է տեղի ունեցել Սանկտ-Պետերբուրգի բորսայի ներկայացուցչի հետ, որի ընթացքում քննարկվել է ԵԱՏՄ ընդհանուր էլեկտրաէներգետիկական և գազի շուկաների շրջանակներում էլեկտրոնային հարթակում իրականացվող առևտրին ՀՀ-ի մասնակցության տեխնիկական հնարավորությունները:

8. ՀԱՆԴԻՊՄԱՆ ԿԱՄ ՀԱՎԱՔԻ ԺԱՄԱՆԱԿ ԸՆԴՈՒՆՎԱԾ ՈՐՈՇՈՒՄՆԵՐԸ, ՊԱՅՄԱՆԱՎՈՐՎԱԾՈՒԹՅՈՒՆՆԵՐԸ, ՍՏՈՐԱԳՐՎԱԾ ՓԱՍՏԱԹՂԹԵՐԸ

Ենթակոմիտեի նիստին անդամները որոշեցին, որ՝

շուկայում էլեկտրաէներգիայի առևտուրն իրականացվելու է անդամ-պետությունների կամ անդամ պետության և երրորդ երկրի միջև միջպետական հատույթներում,

կենտրոնացված և օր առաջ առևտրի սկիզբը և վերջը որոշվելու է Մոսկվայի, իսկ դրանց ցուցանիշների վերհանումը՝ միջավրոպական ժամերով,
շուկայում կենտրոնացված առևտրի շրջանակներում երկարաժամկետ պայմանագրով իրականացվող գործարքի գինը որոշվելու է նախապես ներկայացված հայտի հիման վրա,
ներդրվելու է էլեկտրաէներգիայի մատակարարման ժամկետների սահմանում գաղափարը և սահմանված ժամկետները խախտելու դեպքում կոնկրետ պայմանագրով առևտուր չի իրականացվելու,
էլեկտրոնային առևտրի դեպքում ներդրվելու է «Մեկ պատուհան»-ի տարբերակը, որը կարող է հեշտացնել գործարքների իրականացումը,
վթարային կամ մատակարարի մեղքով առաջացած էլեկտրաէներգիայի մատակարարման հնարավոր շեղումների դեպքում մշակվելու է հնարավոր փոխօգնության տարբերակ:

9. ԱՌԱՋԱՐԿՈՒԹՅՈՒՆՆԵՐԸ, ԴՐԱՆՑ ԸՆԹԱՑՔ ՏԱԼՈՒ ՎԵՐԱԲԵՐՅԱԼ ԱՌԱՋԱՐԿՆԵՐԸ՝ ԵՂԱՆԱԿԸ, ՁԵՎԸ, ԺԱՄԿԵՏՆԵՐԸ, ՊԱՏԱՍԽԱՆԱՏՈՒՆԵՐԸ, ԱԿՆԿԱԼՎՈՂ ԱՐԴՅՈՒՆՔՆԵՐԸ

Նիստի արդյունքներն ամփոփելով՝ Եվրասիական տնտեսական հանձնաժողովը կկազմի և կներկայացնի նիստի արձանագրությունը, որի համաձայն էլ անդամ-պետությունները կներկայացնեն իրենց դիրքորոշումները և առաջարկությունները:

ՀՀ էներգետիկ ենթակառուցվածքների և բնական պաշարների նախարարության արտաքին կապերի վարչության Եվրասիական տնտեսական միության բաժնի պետ



Մ. Հովհաննիսյան
20. 08. 2018թ.